

澄城縣志卷四

陽湖洪亮吉孫星衍同撰

山屬四

社公山

舊志在縣北五十里有社公社母廟

將軍山

舊志在縣北六十里上有秦武安君白起廟山南有村曰社

田相傳為起食邑居民有白姓者或其苗裔

石樓山

西安府志石樓山在澄城縣北七十里山形如樓其相近有

栢谷舊多栢

壺梯山

澄城縣志卷四 山屬四

一西安府志在澄城縣西北五十里雲霧集輒雨

石門山

縣圖在縣西北七十五里

陝西通志其麓有風洞一名風谷其深叵淵天將風洞中先

有聲響振巖谷風欲息則其響如初又相近有麻林陂山

界頭山

一舊志在縣北七十里以在澄城洛川之界

麻林陂山

一舊志在西北七十里

侯鳳山

一明同州志在澄城縣西二十里

武帝山

明同州志在澄城縣東北七十里

舊志相傳漢武帝遊梁山經此土人立廟祀之

雲門谷

太平寰宇記澄城縣有雲門谷

程大昌雍勝畧縣西北五十里有雲門谷谷口若門水氣如

雲故名

柏谷

一舊志在縣北七十里舊多柏

金沙谷

陝西通志在澄城縣西三里相傳佛圖澄遊息于此

舊志金沙谷一名金谿

紅羅谷

縣冊在縣西北

西安府志澄城縣有羅谷土色多紅故名

臨高原

舊志在縣南五十里

宋名臣言行錄李忠襄公顯忠初仕金知同州以計執金撒

離喝密圖南歸後由漢村經臨高原奔夏

陝西通志原有泉曰龍泉味甘如醴隋文帝在同州每取致

焉

乾坑

元和郡縣志同州西三十里有乾坑卽龍首渠之尾

水屬五

洛水自白水縣界流入又由水南入蒲城界

漢書溝洫志武帝時穿渠自徵引洛水至商顏下顏師古注洛卽漆沮水徵卽澄城也

元和郡縣志云漢書溝洫志武帝時嚴熊上言願穿洛以澗重泉以東萬餘頃于是發卒穿渠自徵引洛水至商顏下名曰龍首渠

亮吉按商顏唐時在馮翊縣界

太平寰宇記同上

金史地理志澄城有洛水

舊志洛水自白水入縣西北隅南受玉泉水又南受長寧河蓋雲門紅羅二谷水所會也又南受縣西河則甘泉隋公泉澗泉洗腸泉擲鎗泉諸水所會又東南有撲地河卽郃之大峪水自東北南流西受龍泉水同入于洛

梁水

金史地理志澄城有梁水

亮吉按未知係縣界何水今昔異名他地志亦不載澄城縣有此水今故別列于此

雲門谷水出縣西北雲門谷

太平寰宇記雲門谷水出澄城縣界

雍勝畧云云見上

長寧河水自縣西北流逕長寧城西南流入洛一名三娘子川陝西通志在澄城縣西北四十里卽雲門紅羅二谷水之所會也以流逕長寧城故名長寧河西南流入于洛水

縣冊三娘子川在縣西北三十里源出宜君界麻林坡溝底會雲門紅羅二水入長寧河

泉水出縣西北崖陰出東南流入長寧河

舊志陰泉水在縣西北三十里泉身崖陰出味極甘冽東南流入長寧河

亮吉按舊志有三娘子川亦云在縣西北三十里

甘泉一名酒泉俗名縣西河出匱谷會縣西諸泉入洛

左傳王廵號守號公為王宮于珽王與之酒泉

杜預左傳注酒泉周邑

顧棟高春秋大事表今陝西同州府澄城縣有溫泉西注于

洛又有甘泉出匱谷中造酒尤佳名曰酒泉蓋號地跨河東

西後入于晉

一亮吉按今陝西同州府下條大事表通志引以為杜注誤今

改正

太平寰宇記甘泉水出匱谷中其水尤美堪造酒泉東至坊

新里左氏傳僖公十八年梁伯益其國而不能實也命曰新

里左氏傳僖公十八年秦取之即此也

舊志甘泉水俗名縣西河會縣西諸泉入于洛

縣圖在縣西北四十里

州公泉出縣西北三里許東南流入甘泉水

舊志泉在縣西北三里許其水清澈可愛東南流入甘泉水

明同州志隋文帝避醫時宮姓浴此故名

亮吉按舊志云附公泉形如匱又名匱谷今考太平寰宇記

甘泉出匱谷中此隋公泉南流始入甘泉疑村泉即隋公泉

之源也

溫泉一名帝譽泉出縣東北舊云西注洛

太平寰宇記引注水經云泉有三原奇川瀉注西注于洛亦曰帝嚳溫泉

舊志三源並出將軍山麓合爲一流中隔土嶺一里鑿引達縣可以利民或疑古之溫泉然非入洛之水也

縣圖在縣東北十五里

激泉水一名官泉在縣西三里東會甘泉入洛

程大昌雍勝畧在縣西三里縣以此名源出大慶里西莊澗中

何景明雍大記源潔流清釀酒香美人多用之會甘泉入洛

舊志在三里澗中又名官泉

陝西通志澄一作激一名官泉

龍泉

舊志在縣南五十里帶洛溝味甘如醴隋文帝居同州嘗取

食焉

洗腸泉水出縣西金沙谷

名山記在縣西三里相傳晉高僧佛圖澄洗腸于此

舊志在三里澗南百餘步金沙谷下油膩如星浮水面旱禱有應

擗槍泉水在縣南三里

潛確類書在縣南三里相傳漢光武北征時擗槍得泉故名

縣圖在今縣南三里許

大谷河一名撲地河又名李家河俗名薄底河出縣東界頭山至蒲城入洛

陝西通志一名撲地河又名李家河俗又呼爲薄底河在縣

東二十里

舊志在縣東二十里源出界頭山與邵陽分界至蒲城入洛

亦名撲地河俗名為溥底河又謂之李家河

溢池在縣西北七十里

陝西通志注而不溢故名在縣西北七十里

舊志同

芳泉在縣城中

舊志縣舊無水遠汲三里澗中明宏治中知縣徐政即預備

倉鑿一井深三百六十尺命曰芳泉

雙泉在社稷壇

舊志明嘉靖庚戌知縣敖佐因城中水鹹即社稷壇鑿二井

其水清甘因名雙泉

洛城縣志卷四

徐公井在縣城中

舊志明嘉靖丙午知縣徐效賢擇隙地鑿四井縣人取汲稱

便號徐公井

水利

長寧河渠

縣冊在縣西北四十里居民引流灌田數十畝

大峪河堰

縣冊在縣東二十里與邵陽分渠灌田共灌本縣田三百餘

畝

玉泉

縣冊在縣西北十五里泉下有蔬園藥畦引流灌溉

亮吉按此渠堰泉三所見獲其制

泉河

陝西通志在縣西二里可資灌溉

三泉

陝西通志三泉在縣東北十五里引之可以利民